

28. september 2022

UKA 2022/22

Uunga siunnersuut: Aningaasarsianik akileraarutit pillugit Inatsisartut inatsisaata allanngortinneqarnera pillugu Inatsisartut inatsisissaat
(Aningaasaqarnermut Naligiissitaanermullu Naalakkersuisoq)

Simumiit Naalakkersuisut akileraarutit pillugit Inatsisaata allanngorneqarnissaanut siunnersuutaanut imatut oqaaseqassaagut.

Siullertut Siumumiik nuannaarutingaarput Naalakkersuisut akileraartarnermut tunngasut allannguerujussuannikkaluarni aamma ilaatigut annikutsumik inuiaqatigiinnut iluaqutaasussanik aaqqissuisinnaammata, tamannami periarfissaasuaannartariaqarpoq, inuiaqatigiinnit ingerlaneq naapertorlugu aaqqigasuartarnissaq aammalu assigiinngittunik pilerniarsaasinnaaneq aammalu immaqa illuatungaani pilerinarpallaanngisaaneq. Apeqqutaavormi politikikkut inuaat suup tungaanut ingerlaartikkusunnerigut, soorlu ilanngaait eqqarsaatigingaanni, pingaaruteqarpoq initaarniarluni aningaasanik attartorsimangaanni erniat ilanngaatigineqarsinnaanissaat. Kisiannili aamma eqqarsaataasinnaavoq suut ilanngaateqanngippata pitsaanerussanersoq, inuiaqatigiinni naligiinnerunissaq eqqarsaatigissangaanni.

Siumumiit nuannaarutingaarput akileraartarnermi nuuttitsisarnermut transferpricing- imut tunngasut qaqilertorneqarmata, aaqqiissutissallu Siumumiik taperserluassavagut.

Siumumiik pingaartipparput suliffeqarfissuit nunatta avataani suliffeqarfinnik piginnittuusartut aammalu piginneqataaffigineqartut sukumiisumik akileraartarnikkut misissorneqartarnissaat. Tassami nalittorsaaneq annertoq nunatta avataani aamma pisarpoq aammalu tassa nunatsinni nalittorsaqaarnagit avammut nassiunneqartarlutik, nunanilu allani iluanaarut annertoq pilersarluni. Tamanna massakut inatsisitigut toqqammavilerneqarnissaata suliarilluarnissaa qilanaaraarput.

Nalilinnik nuuttitsisarnermi aamma neriuutiginarpoq akileraartarnermut inatsimmi § 36 a, stk. 2 qimerloorneqarluartariaqartoq, tassammi suliffiqarfiit qanoq annertutigisumik oqartussaaffiginerisa aaliangersimaqqissaarnerat atornerlunneqaratarsinnaammat.



Siumumiik aamma tapersissavarput akileraarutaasussaangittut Naalackersuisut siunnersuutaat § 34, nr. 10- oqaasertalerneqarnera, tamaasa eqqaanngikkaluarlugit naatsumik pisortat tapiissutaasa ilaat soorlu innarluutilinnut tunngasut, inissianut tunngasut, ineqarnermut tunngasut meeqqat tapersersorneqarneranut tunngasut aammalu siusinaartumik soraarnerussutisialinnut tunngasuupput. Neriuppugullu inuiaqatigiinnut attuumassuteqarsinnaasunut paasinartunngorlugu aamma nalunaarutigineqarumaartut.

Siumumiik suliffeqarfimmik matusinermi akileraarutinik allannguiniarneq apeqqusernartoqartipparput. Aap takusinnaavarput ilaatigut immaqa suliffeqarfiit ilaat inissiaruarnik pilersitseriarlutik suliffeqarfitsik matusinnaasarpaat, tassanilu annikinnerusumik akileraaruteqarnera atornerlunneqaratarsinnaasarluni. Kisiannili aamma akileraartarnermi inatsimmi atornerluinnginnissamut killilersuuteqarluni. Naammannersut taakkua assut takujuminaappoq uani siunnersuummi.

Siumumiik soqutigisaraarput suliffeqarfiit pioreersut nutaanik aamma ajornanngitsumik piginnittortaarsinnaalissasut. Tassami suliffeqarfinni pioreersuni nalillit annertuut pilersinneqareersimalersarmata, taakkualu pisisussamut nutaamut ajornakusoorsinnaallutik pissarsiarinissaannut. Taamaattumillu aningaasaatilissuarnik immaqalu suliffeqarferujussuarnik nunanik allaneersunik taamaallaat pisiarineqarsinnaalissallutik.

Siumumiik akileraartarnermut inatsisip ilassutissaatut siunnersuutip § 86 a tamakkiisumik, sukumiisumillu suliarilluaqqaarnissaa kissaatingaarput, isumaqarporlu Siumumiik piumasarissagipput siunnersuutip taassuma ataatsimiisitaliami suliarilluaqqaarnissaa piumasarissagipput aammalu akileraartarnermut inatsimmi kap. 5, tassa suliffeqarfimmik ingerlatitseqqinnissamut inatsisit nunatsinnut, nunatta inuinit tulluarsarluassagipput.

Siumumiik siunnersuutip ataatsimiisitaliamut ingerlateqqinneqassasoq kissaatingaarput, naqissuserlugu suliffeqarfimmik matusinermi akileraartarnerup immikkut suliarineqqaqqaarnissaa kissaatigingatsigu.

Taamannak Siumumiit oqaaseqarluta oqallilluarnissamik kissaappatsigit.

Kuno Fencker, Siumut.